

項城袁氏家集



文誠公函牘

卷之二目錄

復曾沅圃中丞

致程從周

復曹欽軒鄧利邦

致楊敬亭

致沈幼丹制軍

復趙懷芳

致潘辛芝觀察

復孟縣梁杜李各紳

文誠公集函牘卷二目錄

復薛肇慶

復任畹香觀察

復盧藝圃廉訪

復陳先生

致張漢仙觀察



復沈吉田廉訪

致邵沐生中丞

致倉場畢東河

復張漢仙觀察

復王荔之觀察



致三庫各大臣

致銀庫敬心齋部郎

致劉省三

致直魯鄂鄰境各道

致鳳穎任觀察

又

復項城山長吳禾笙

復項城各紳士

復張漢仙觀察

致張漢仙觀察

文誠公集 函牘卷一 目錄

致崔季芬鎮軍

致李少荃中堂

復陳舅父

致沛然

致壽春郭鎮軍

致吳子健中丞

致任畹香觀察

致吳紫湄觀察

復吳子健制軍

復張漢仙觀察

致直東江鄂皖各督撫

復張漢仙觀察

復崔季芬總鎮

復程從周

復裕澤生方伯

致張聽菴觀察

復薛世香廉訪

復梅曉崖中丞

致胡雪崖觀察

致陳母舅

文誠公集函牘卷二 目錄

又

復宋祝三軍門

文誠公函牘卷二

復曾沅圃中丞

傾心勳望久矣每從邸報中得稔蓋誠碩畫拯濟晉邦莫名欽佩復辱賜書垂厪肫摯展誦再四感何可言姪本豫人襄籌豫賑敢不盡力拯此子遺抵汴後與和帥詳議妥商總以急籌款項嚴除弊竇爲入門第一關鍵豫賑開辦既遲著著落後故事事棘手此時如亂棋一局亟謀補救正不知從何處下手耳前得尊處賑章兩册切實精當鑿然可行所扶各項弊端亦洞鑿癥結具見仁人君子志在救民者遭值愈艱紀綱愈密現已攜之來豫擬作豫中賑務藍本倘得諸事逐一釐訂迅就轉機則豫民之溝瘠流離者蓋不啻長者全而活之矣

致程從周

別後正不料豫災之廣豫民之困至於斯極想從者聞之亦爲心惻矣比想餐衛適時定符遙祝此間散賑需糧價值頗踴苦乏商販接濟貴處產米極多裒有餘以益不足又可使營運者借獲餘利閣下倘能激厲知交通力爲之其爲功德詎有量耶前閱致皖撫書有築壩蓄水浮送糧舟之說此議未識果否允行現在若用竹簰裝運糧石卽使水勢稍淺由潁以達周家口尙可無虞阻滯並乞吾弟廣爲招募此舉若成在吾弟惠而不費而豫民則蒙德實多矣兄奉

命出都奏明無論官商如可挪借銀款統由地丁項下分年予息提還倘得代籌三萬金借備賑需兄當會同中丞給與印票照章予息將來歸款卽由兄處咨催決不爽約並望老弟竭力籌畫並向各處有力者一圖之勿虛所請感泐無既

復曹欽軒鄧利邦

祇誦惠書藉稔養望梓鄉主持善舉爲昔賢揚懿美爲闔境計生全逃聽仁聲曷勝心佩比維新禧駢集著社增綏爲頌承示賑款不繼一節恆抵汴後始悉庫款之空蕩然如洗各廠函牘告急絡繹而來現與和帥儘力設籌冀得拯此奇慘項邑乃桑梓切近之所尤屬關懷惟從前並未具報此時難以籌濟可否

文誠公集

函牘卷二

天津華新印刷局代印

將收養流民實在情形稟縣轉詳尙可一律撥發也承寄示賑章展閱再四有條有理鑿然可行並得諸兄實心經理必可實惠均霑佩慰無似志局現以賑饑不遑兼顧賑事稍暇似仍以趕辦爲宜前委購各書其價業經代給爲數無幾不足齒及謬承簡命深懼節目闊略貽愧鄉邦倘得時錫箴規俾資策勵不勝幸甚

致楊敬亭

瞿子玖學使來得悉南路居民惟光固薄有收成尙堪自給其餘各州縣雖被災輕重微有不同而困苦顛連亦自不堪寓日間有迫於凍餒剝劫爲生者際此民窮財匱非洞悉下隱蓋亦

措置爲難希將各該處實在情形詳細訪查逐數開載於三五日內專函告我遇有搶掠均糧之案其應行彈壓應行解散應行緝捕均望閣下隨時酌量認真妥辦總期散脅擒渠免得釀成巨患晚籌賑鄉邦事務繁瑣一切差遣均須有得力之人乞於貴標簡派廉幹弁兵數名迅速前來以資驅策朔風甚寒諸惟珍衛適宜俾紓懸結

致沈幼丹制軍

侍自入豫境後目之所見耳之所聞有筆不能述者大抵強弱相食甚則骨肉相殘曠古以來無此奇荒亦無此奇慘而坐視其流離死亡而不能拯救與子和河帥相對歎歎此情此况豈

文誠公集

函牘卷一

三

天津華新印刷局代印

可終日將伯助予得無大聲疾呼哉庫空如洗莫展一籌前聞之衛靜瀾謂自王曉蓮以後共積存三十餘萬過保定時詢之合肥節相以招商局挪動二十萬則此外或尚有積存津貼一項撥還蘇糧道後侍前在戶部時因口北運費不敷議令於皖省漕項下如數撥補此案當在光緒元年以後現在江安漕項有無贏餘是否祇有此數侍固不敢堅執前說而豫賑需款之迫正未能以得自傳聞遂無餘望仍希執事覆加考核是所至禱江安漕米業與和帥奏請截留其轉運一層洪湖淤淺鹽船久不可行本應恪遵籌由海入衛第河北三府有東漕八萬石本年江漕四萬石及合肥相國允假之平糶餘米三萬石冰

冲後陸續運到已可暫敷搭放大河以南尙無可指况衛河僅達滑濬南距黃河尙百餘里距省南各災區道更遠且均係陸路自仍以由運入湖沿淮穎以達周家口較爲徑捷於南岸數府勻撥分運道路亦均卽使洪湖較淺或僱小舶分裝有一二尺水便資浮送一過舊縣花園嘴等處仍可歸併大船似尙不至阻滯擬俟奉

旨後派張觀察汝梅前來領運敢希豫飭江糧道將此項米石備齊待運不勝幸甚

復趙懷芳

承示正陽設局採購山右賑糧因轉運艱難已議停止晉省籌

文誠公集函牘卷二

四

天津華新印刷局代印

賑較早集款較多又得執事實事求是之才辦理既妥且速聞之曷勝健羨敝處各廠需糧孔亟新設截留南流饑民之廠因糧運未到急切尙難開辦旣在尊處之糧已購備一萬七千石擬懇執事在此糧項下先借一千五百石暫濟敝處槐店急用敝處所採光州糧石不日可到俟其運到卽行就近撥還決不致誤尊處陸運未起之期千祈允行以通緩急爲豫省速開賑廠之需亦卽分皖境代養貧民之數已札飭阮牧經理收發償還事宜矣卽希示諭押運委員遵辦爲荷

致潘辛芝觀察

日昨嚴明經自蘇來豫攜有咨文聲明第二次捐募二萬餘金



由凌部郎攜帶賑濟其第三次捐募之一萬一千金並未指定  
何處賑放亦未聲明匯至何處歸何人經理弟以南路急須設  
廠截留流民擬延嚴明經在歸德開辦一切事宜均歸一手經  
理悉照省垣章程不令官吏干預伊等未始不願因攜款無多  
去冬及今春陸續由蘇匯交之款亦未收到一時尙難定議豫  
省自被災後迭荷蘇紳集款援救其在南在北均係活我豫中  
赤子無論於彼於此擇定何處當飭地方官妥爲照料卽鄙人  
於大河南北饑民亦冀統籌兼濟並無先後厚薄之分何敢專  
恤流民置本境土著於不顧但饑民南流過遠回籍愈難誤耕  
曠賦事事可慮橫被誘掠販賣之婦女玷辱失所尤屬可憐因  
文誠公集函牘卷一

是設廠截留而湊集款項支絀萬分擬懇執事商允蘇垣諸善  
士或將續匯之一萬一千金及前此未收到之數千金撥入歸  
德留養廠或統計前後捐數量撥若干以救南流之民以成鄙  
人延嚴明經南路設廠之志總之豫款一空如洗欲謀安輯流  
亡不得不仰給於珂里卽不得不求助於大雅之一言執事素  
亮鄙人之愚而心本無他當必荷邀贊助也

復孟縣梁杜李各紳

承示孟邑洊饑情狀讀之涕零聞之酸鼻想仁人目擊必更倍  
難爲懷惟尊意核減一層但能於戶口之極次貧悉心區別不  
能以道里遠近爲率雖目前賑款支絀普濟爲難而緩急後先

之際諸君子當默有權衡弟本豫人於豫中災黎苟可設法拯救之處無不急急謀之尊處地狹人稠窮檐困苦久在鄙人心目之間以後或款項解到或糧石續抵道口必當再籌接濟以副垂囑

復薛肇慶

豫中連歲歉收在道流民鳩形鵠面其填委溝壑者犬獸殘食目不忍觀凡我鄉人皆應當富者出財貧者出力共相拯救方能保全黎庶方能感動天心况三吳善士聞我豫之災集貲來賑者或攜數千金或攜數萬金業已設廠散放卽募捐一項始而江蘇繼而閩廣甚且推廣至外洋各島現接各處公文均已捐有成數而本省捐借竟無一人慷慨輸助爲里中倡率是鄙人勸導不力誠不孚於鄉黨而吾豫所稱素敦鄉誼者今竟不免爲鄰邦外夷所恥笑也兀坐思之能無顏汗仍望執事推愛援濟湊集多金以應賑需無論如何爲難務希勉力允從不勝跂盼之至蓋從來濟貧所以保富倘竟不肯竭力調恤富顧能常保耶

復任畹香觀察

承示沙渦水淺量爲挑濬以通糧運豫中官商舟楫自當銜尾逆行忻聞晉省在皖境採糧者沿途設局轆轤轉運報災早而得款多故能放手放膽爲之敝省搜索拊揣湊集無幾並無大

宗購運以節節阻滯至今尙未抵亳卽執事提款採買來豫銷售之米亦未得卽來而距黃較遠之南岸各災區非向尊處購糧運費更鉅撥濟更難前示所謂挑淺之說亮已籌款興工萬一段段過長暫難一律開辦遇有敝省糧艘閣淺濡滯或於一河中左右分道去來不准聯踪並駛或束草壩蓄水務望飭屬彈壓鈐束勿致爭擠隨宜酌辦總期於中州民食得以濟急而已至沙渦釐卡經執事嚴禁留難來豫米商自可暢行無阻尙胥吏人等因查驗夾帶稍事稽留商販多一日停泊卽多一日費用錙銖必較者勢仍聞風裹足既虛執事周恤豫民之惠而豫民仰食皖糧仍慮緩不應急並希盡勞隨時訪察爲禱又示

文誠公集 函牘卷二

七

天津華新印刷局代印

穎毫等處流民過多囑在皖豫交界設廠截留前此凌孝廉抵汴弟卽擬延之在南路設廠因其注意懷屬此事止可另籌且無論爲南爲北總是拯我豫中赤子鄙人感且不忘將來擇定何處再飭州縣妥爲照料現南路之廠籌措已定一在歸德一在槐店流入江皖饑黎當可分爲收輯並被誘販之婦女亦歸此兩處截留其兼顧鄂疆者設在裕州新街不日均可開廠惟款項奇窘赤手創辦爲難耳

復盧藝圃廉訪

吾豫被災極重之處農民流徙幾空日來幸得春霖南路秋禾多可補種河北則雨未徧民未歸犁鋤無具尙難一律開耕前

蒙

恩允撥糧米運解艱難計分撥外災區所得本屬無幾矧未能速到忍死嗷鴻迫何能待耶南汝河陝屢有土匪蠢動現已救平然以後若賑款難繼雨暘不時所慮正不止此頃復蒙特旨飭閩省協濟豫晉各數萬兩伏望垂念梓鄉商請制軍方伯無論如何爲難迅賜籌解益多益善愈速愈妙也

復陳先生

前奉上巳日賜書藥石箴言洞中癥結屢欲肅箋祇復因事牽系未能也頃復專人齎到二十一日手諭恕其闊略之罪而拳拳於災民之乘時資遣蠹管不早見此愧甚感甚前此會札賑

文誠公集

函牘卷二

八

天津華新印刷局代印

撫局轉行之文蓋以得雨不耕饑黎失業可慮不爲分別又恐地方官希圖迅速了事不論有地無地與道里之遠近概予以二三日糧驅之出境此項饑黎道遠者未到本籍口糧已罄道近者到籍播種枵腹以待秋收勢又不能均將仍爲流亡而後已是以前文令造有田可耕之流民冊送局核辦原冀冊籍解齊先飭本籍官紳籌備口糧如款項實在不敷由局量爲接濟然後流民移送到籍不至羣然失所耳尊諭將有地可耕者佃種人地者查詢明確一面造報一面資遣無論遠近期於立夏小滿前均可到籍不誤補種自是爲免致遲延起見鑿然可行卽請如尊諭辦理其老幼殘疾者仍設法留之並當會札該守

遵照惟所給之費僅敷路費則到籍後東作仍難該本籍並未  
豫爲籌畫恐甫到未能應時散給擬請尊處於路費外每名加  
給十餘日口糧小口減半以後再歸本籍續籌發給並須派人  
押送取有原籍收管文方免流民半道混就別廠請收無地流  
民亦不至希圖冒領遣費捏稱有地以致辦理牽掣明知尊處  
籌措維艱然悉心爲流民計不得不統籌前後冀其暫足謀生  
臺裁以爲何如歸德另設收養廠因委員尙未派定開辦尙須  
稍待數日所需經費先以佩之所收黔捐千餘金及尊處勸捐  
之三千金撥用並擬會請舅父爲諸紳領袖紳士卽由舅父會  
同委員選擇敬請侯子嘉以忠盡之後廉謹自愛擬令前往隨

文誠公集

函牘卷二

九

天津華新印刷局代印

同經理一切本地已捐數次紳商股戶自己不遺餘力然救荒  
惟勸捐稍有把握外省援濟緩不應急省垣籌撥亦刻刻有瓶  
罄之慮仍望督率後起仁賢助以勉力爲之而已

致張漢仙觀察

接奉來牘並另單詳示種種謹已讀悉賑糧免稅昨已咨行淮  
關豆餅一項前經寶少司成疏請欽奉

特旨允准黃菘豆事同一律應再遵囑聲明凡係豫省採糧備  
賑有護照者無論何項均予免稅備文知照該處清淮高寶一  
帶向行戶賒米以捐歸款但使商情樂從儘可遵照辦理汴城  
白米價每斤五十餘文雖此後漲落不定以目前論尊處所購

之米加以運費亦尙合算銘軍汜水存糧如允暫借尤能濟急  
凡於豫賑有益而執事力所能爲均望權宜行之兄斷不爲遙  
制所需運費或先向富商息借俟賑捐收有成數陸續清償所  
須公牘已會同和帥照辦卽望鑒入江北米釐因聞皖省沙澗  
各卡照舊抽收商販阻滯前已咨商江督免抽此時勢難自歧  
其說再令撥解江南米釐久經奏停忽議復抽紳商必多沮格  
聞釐金係督辦何舍人專政恐健帥亦難爲力蘇省勸捐轉運  
事宜兄已與和帥會咨健帥請執事專辦承示世香觀察業爲  
代籌助賑且清望政聲三吳紳民素所欽佩又復關懷桑梓儘  
力設籌自應補咨健帥蘇垣豫捐就近請其督率勸募前茲實

文誠公集

函牘卷一

十

天津華新印刷局代印

因公冗疎漏務希先道歉忱並囑涵宥爲荷惟是否專指推廣  
之賑捐抑另有辦理名目伏望詳示遵辦下河於倅已由和帥  
飛札飭知淮南巖捐經沈制軍奏免徒深焦灼而已

復沈吉田廉訪

前奉惠函備聆壹是適以籌賑碌碌裁答稍遲歉仄之私與時  
俱積比維助籌日懋蓋履春綏慰符臆頌敝省歉儉連年民窮  
財匱被災州縣得雨僅有數處未能深透難種早秋奉撥各漕  
糧水運止達道口此外皆須陸運人夫車馬需費孔鉅靈閩兩  
邑轉餽尤艱聞尊處米糧出關設有明禁爲地方豫儲民食蓋  
籌備極周詳敝處苟商販流通四顧災黎足資接濟原不欲輒

求弛禁敢負執事委曲維秦之苦心無如北路則道口以西陸運道阻且長南路則沙澗各河處處阻淺官商購販濡滯不得亟前因思去年敝省業已被荒尊處之在會興鎮採糧者公私絡繹未敢意存畛域專顧本境賑需且尊處究係偏災河冰開後甯夏之糧聯檣而下足敷挹注較諸豫省七十餘州縣之災廣民衆庫空如洗艱窘萬分輕重實大懸殊可否仁懷垂助准令關內米糧販往靈閩兩處每月止許若干石以爲限制或由靈閩備文赴關採買他縣概不得援以爲例於秦事無損而兩縣豫民可以一石之價得兩石之糧官賑民食均易爲力務希商之文卿中丞酌量飛示以便遵辦無任翹企

文誠公集

函牘卷一

十一

天津華新印刷局代印

致邵汴生中丞

中州冬雪未霑春荒更甚日來被災州縣得雨僅有數處未能深透難種早秋非求助鄰封不足拯此巨困而歸還不謀的款商借亦難冀允行是以於行楚川鹽疏請抽收豫賑加釐昨准部咨令湘鄂蜀三省體察奏辦筱荃制軍前已專函敦懇執事愛民爲抱自當竭力相援惟川鹽自經改包加以湘鄂之釐商利漸薄能否如數如願加抽弟亦難以強必倘爲數無多於中州賑需未能大有裨益聞貴省百貨釐稅定額頗輕曾因隄工加抽有案務望俯加籌助爲中州援案加抽則災黎多活一人皆出自仁人之賜謹委前鶴峰州呂牧品律趨詣商懇並希准

而教之

致倉場畢東河

前同和帥疏請借撥通倉秬米仰荷

恩旨允撥十萬石又奉

特旨撥給南漕八萬石庫銀十萬兩本擬全數領運惟津通到豫水腳每石需銀八九錢以部發之十萬兩運米十八萬石不敷甚鉅尙須另籌因商諸和帥擬以東漕分撥晉豫存贖之九萬一千石就近運解豫中可抵南漕八萬石並抵秬米一萬一千石其餘應領秬米八萬九千石竭力領運日內疏陳尙可邀允刻又聞通倉並無存儲秬米均在京倉並有例不出城改撥

文誠公集

函牘卷一

十一

天津華新印刷局代印

南漕之說果使此議得行節省由通至津之費豫省得多銀一兩災黎卽可多活數人於豫事大有裨益際此款項奇窘萬不得已而出於此務望臺端垂諒遇有可援助之處推愛贊成無任翹企

復張漢仙觀察

接奉手書備聆壹是窰灣存糧阻淺未能開運昨已函告王蒞翁迅開湖口壩俾資浮送聞黃水近漲尺餘加以洩湖濟運當可與銘軍糧艘聯幫上駛倘仍節節阻滯卽轉舵而南與洪湖分運者統歸一路蔣仿臣適在此業經和帥囑令照料水陸接運兄併囑尙鈞照料之至下游懷遠以上兄已派韓稷之茅少



筮前往多備小划如淺處無多則分船駁送倘竟不能達卽就近僱車接運但冀得抵亳州以上水程多行百里較之陸行百里彼此計較經費總可稍省其淮河一帶有吳占元水師巡防兄已函囑其節節護送必能周妥且遇水小之處亦可幫覓小船浮渡以利進行健帥允籌款項難符前議聞之悵然昨又專牘洩其另籌未識能爲設法否小石於前月下旬南旋翎照已自攜往日內計當到徐其應分尊處若干張及酌提賑款購辦雜糧選請執事就近商議可也

致王荔之觀察

頃得張漢仙觀察來函知所購賑糧已團積密灣水程淺阻難

文誠公集函牘卷二

十三

天津華新印刷局代印

以裝船上駛弟前與和帥公懇執事開湖口牘俾資浮送計時當經照入現在豫省需糧孔亟價值日昂非得隣封商販及本省官運源源而來不足以平市價而裕民食務希執事察看運河情形啟放湖口牘能否稍助水勢俾糧艘連檣而上又聞濟甯以西停滯商船不少須啟放南旺湖水乃可上駛統乞酌量飭遵但使糧艘一路進行故鄉數百萬災黎感銘盛德較諸執事前此之籌助賑銀其決隨淪肌更無旣極弟爲闔境垂斃溝氓請命用敢再三塵瀆仰籲臺端想仁人瞻顧梓桑必能代拯民困也

致三庫各大臣

豫中冬雪未霑春荒更甚日來被災州縣得雨者僅有數處亦未能深透

天心眷念災黎特發庫銀十萬兩凡在臣庶歡感同聲謹同子和河帥飭候補守朱壽鏞攜文赴部投領惟向來銀庫發給外省軍餉每以大小搭配短平頗多保恆辦西征糧臺時深知底蘊是以前在農部曾於監放左營餉項飭令先點錠數再行過平嗣得左侯書知此次所發銀兩毫無虧短現在豫災如此之重豫款如此之絀但得多銀一分即可多活一命特懇臺端俯照前章敦飭庫員將應領賑銀十萬兩剋期平足支放我公痲瘵在抱必能曲允所商倘值庫期蓋勞鈔暇並希代告同志尤

文誠公集函牘卷二

十四

天津華新印刷局代印

深跂禱

致銀庫敬心齋部郎

日昨恭讀

諭旨特發庫銀十萬兩賑濟中州已與和帥飭候補守朱壽鏞攜文赴部投領執事饑溺爲懷又荷頻年摯愛必能平足支放不致少短絲毫惟庫役每以大小搭配虧平頗多因思弟前此監放左營餉項曾飭用原收口袋先點錠數平發胥役人等無從上下其手用特佈諸執事卽希大駕到庫按照前次章程或寶銀或十兩錠點明平足如數交該守具領解回豫中數百萬災黎感荷仁施於靡旣矣管庫諸大君子前弟已徧爲函告謹

以附聞

致劉省三

弟等奉使中州適逢大祲豫省之荒筆難罄述道殣相望十室九空自去歲夏秋以來各處飢民紛紛四出扶老攜幼不殫千里流離以求苟延殘喘現在庫儲既竭各省籌撥之款急切未來只好聽其覓食他鄉暫尋生活近聞逃至貴處者業已不少故特專函奉懇務望推仁博愛垂念窮黎或囑地方官收恤或勸諭貴同鄉紳商富戶好義樂善者設法留養素仰偉略匡時必能使轉徙災民咸沾大德一俟甘霖優渥可以歸耕再行遣回故里將來事竣之日並祈將收養數目費過貲糧及司事諸

文誠公集

函牘卷二

十五

天津華新印刷局代印

君毋論官紳一體開示銜名清單敬當會同奏請優加獎勵以報賢勞也汴省新正得雪二次不過寸餘外縣有至二三寸者東南各省籌借之項大約二三月內方可望到而最可異者大河冰凍至今未解計已五十餘日爲從來罕有之事以致米船未能上運尤深焦灼知關廛注附以奉聞

致直魯鄂鄰境各道

自去歲夏秋以來大河南北飢民紛紛四出祇以此次旱災太廣籌款稽遲急切既不能招之使歸不能不聽其遠適棠疆覓食豐富之區苟延殘喘所賴諸君子推飢溺之懷泯畛域之迹設法留養撫恤優加伏查去冬十月二十日

諭旨本年山西陝西河南等省亢旱災區甚廣散賑難周飢民轉徙求食深堪憫惻亟應速爲撫輯以拯窮黎各省遇有災民入境著該督撫飭令該地方設法安集或動公款或籌捐項酌度情形妥籌賑撫毋任一夫失所仰見聖主軫念災黎無微不至

德音遐播想尊處早已欽遵特此專函奉布務懇體

朝廷痾瘵在抱之心擴物與民胞之量轉囑貴屬諸君凡毗連敝省之處均望一體廣爲收恤荷仁風之遠被更鄰誼之同沾一俟甘雨應時可以歸耕再行遣回鄉里將來事竣之日並祈將各處收養數目費過貲糧及司事諸君銜名開單示知敬當文誠公集函牘卷二一

十六

天津華新印刷局代印

會同奏請優加獎勵以報賢勞也

### 致鳳穎任觀察

頃晤牛慕琦鎮軍談悉豫省饑民自去歲秋冬以來流至貴境者已數萬人均蒙大力護持與郭善臣李捷三程從周蔣仿臣諸君暨各府州縣倡義捐資廣籌賑撫以穎毫壽六分任收養俾饑民窮餓餘生如登衽席備聆之下未嘗不東嚮額手感戴雲情伏查去冬十月二十日曾奉

諭旨飭各省收養賑撫豫晉流民並准動公籌捐辦理雖煌煌天語共見共聞然求如執事暨諸君子之實心實力先事圖維者尤爲難得特此專函布謝並祈終始成全推仁無既一俟河

南甘霖優渥可以歸耕再行遣回故里事竣之日請將收養人數用過貲糧及司事諸君銜名開單示知敬當會同奏請優加獎勵以報賢勞也

又

弟於去冬奉

命來豫之時深知災區既廣賑日甚長非多籌款項不足以資接濟是以專摺奏明凡各省各處有可以挪借之款毋論在官在紳在商均照民間加息歸還均經戶部議准覆奏奉

旨依議欽此現在賑需孔急因念執事所管關稅牙釐稅向稱暢旺計必尙有可籌之款正陽鹽釐收數尤多是否可以挪借

文誠公集

函牘卷一

十七

天津華新印刷局代印

移緩就急統祈查示以便奏咨借撥由河南藩庫捐款歸還至正陽爲水陸輻輳之區富商大賈在所不乏亦懇大力代爲商借由河南總局發給印券照奏定章程予息一分按年由丁地正款內提還均望俯念敝省奇荒迅加援手救災恤鄰造福無量卽弟亦感泐不旣矣

復項城山長吳禾笙

接奉惠書藉悉前寄寸箋暨項城考據數條已登青覽復荷華函褒勉猥以前賢獎藉媿汗尤深弟忝承

恩命來濟鄉里之急本已責無旁貸亦是力所願爲奈去歲異常之災竟以遏抑不能上達迨至

天恩下沛而爲時既晚無補於流亡章程未定府藏已空渥荷朝廷截漕發帑之仁仍莫濟萬衆轉徙溝瘠之苦弟雖無米爲炊亦不敢不殫竭血誠力圖補救惟有多方設法痛哭陳言勞怨固不必言利害亦所不計矣來示以得人見教極爲扼要之論朱曹兩君弟雖未謀面亦頗耳其名朱君業已奉委襄辦湯陰粥賑曹君未識在汴與否容卽物色而委任之現在情事多得一好官卽多救無數生靈也敝鄉賑事匆匆採訪只好暫緩所望春霖迭霑大地同沾賑務稍清再當回里晤領塵談一握爲快耳

復項城各紳士

文誠公集 函牘卷二

十八

天津華新印刷局代印

客臘接奉惠書暨賑務章程傾佩無似頃間再披華翰備荷綺存藉諭諸君子備極賢勞爲桑梓謀生全不遺餘力議捐議賑無不悉臻妥協佩服彌深保恆忝承

恩命無補時艱計自到豫以來瞬過一月目擊災民流離死亡之苦寢食難安而無米爲炊點金乏術惟有殫竭血誠爲民請命力求

天恩下沛多籌款項以救窮黎庶上可以對

君父下可以對鄉邦委曲繁難筆難罄述吾項去歲雖未報成災實亦爲從前當事所遏現在委員重勘終可將實在情形補報但正供支絀民間苟可勉力輸將亦不應過存望澤之心耳

至囑捐款存提雖有定章然已經諸兄台呈請思翁轉稟亦斷無膠柱之理保恆既在事中自當商議准留以資接濟知關履念先泐布聞

復張漢仙觀察

接奉手函知前達一箋已登青察昨又布泐寸緘計已得達左右藉諗賢勞籌策共濟時艱所有先辦之五千餘石由運河上駛計現已開放湖口壩用資浮送未識何日可入豫境河北各屬多因粥廠經費已竭停煮以待但得早爲分撥存活實多江湖淮渦一路將來連橋上達可以接濟河南開封洛汝一帶春荒方始庫藏全空早夜圖維難安寢食江安一款已成畫餅惟盼折徵一款或可邀准耳子健中丞竭力代籌兩款共銀一萬有零弟與和帥商定卽交執事作購糧之用特另備公牘知照以便赴蘇請領外專泐奉達希卽飭催米船速行趕運下游一路亦望早爲裝運以救嗷嗷想保衛桑梓夙有同情弟言亦徒形瑣瑣也賤軀托庇如常致舍姪函已交付矣知念並聞

致張漢仙觀察

前接惠書當卽布覆寸函諒登青照前所請江安一款奉旨交議至今尙未見分曉焦盼萬分運河水淺舟滯難行閣下購存甯灣之糧均尙停待而此間嗷嗷待哺盼系殊深頃晤子和河帥談及劉子徵專弁持函請開加河湖口壩兩閘放水助

運和帥已知照運河道就近商辦囑函知老弟如果銘軍之糧可以北達卽請將臺灣存糧裝船同行頃兄差經由臺灣探視河道之弁自濟甯回來開有尺寸清單看其情形祇開湖口壩儘可浮送抄呈臺覽卽望高明酌定就近知照王荔翁商辦爲禱

致崔季芬鎮軍

昨閱執事致中丞書知胡豹子股匪經毅軍剿擊敗竄南召境內尊意以後路有宋祝三帶隊跟追繞由四科樹前進攔截竄往李清店之路所見極是此輩皆係烏合實在積匪不多速則其黨未固其謀未成一剿卽散不至釀爲流寇稍有遲疑便難迅速竣事所慮兵力未合不能奮往直前耳執事其督策之初十以後情形望隨時示我

致李少荃中堂

祇奉前月二十八日手書備聆壹是承允代採米三萬石業與和帥商定就本省釐金分年歸款繕備函牘郵達左右計已仰邀鑒及因是時臺灣捐款能否借撥尙在未定是以專指釐金有著之款於每年八萬兩內分半提還期無延誤以昭大信茲奉來示擬在臺款扣收敝處無米爲炊心殫力竭旣荷蓋籌兼顧鑄膺高誼楮墨難宣或指釐金或指臺款清償之處自應悉聽鈞裁酌定晚斷不敢有所膠執也



復陳舅父

日昨謝耀先到省捧讀手函備悉訓誨周詳長言娓娓感與戀並甥以疏拙之才膺此艱鉅之任空空妙手無米爲炊坐視饑民日困一日不能不力圖補救雖極委曲煩難之致但有可以籌畫之處終必竭此寸心宋郡情形來諭所言最爲確盡甥息借各同鄉以濟賑需本係未出京時奏明

准辦之款甥之初念因恐捐之一字吾豫久以爲累改爲緩急通融之法有借有還更加之以息必可多資集腋殊不料諸君有如許過慮之層次也然亦事勢使然止可迎機勸導總望吾舅父主裁必能諸臻妥善或銀或糧均從其便一俟積有成數卽乞示知當委員前往解運其餘不盡之意不盡之言總在高明洞鑒之中毋庸贅述

致沛然

承示尊處米糧頗多欲謀節省運費以冀成本較輕售價稍賤具徵關念時艱仁人用心抑何委曲詳盡惟時值大稔購辦米石無論官運商運陸路應用人夫車輛總須照民價給價方能體恤窮檐肩挑執策之徒庶幾踴躍爭先轉運可期妥速若照官價支發給值太廉民不樂從勢將繩以官法以恤民之政而反以擾民鄙見竊有未安至按集出車尤慮近於苛派恐於運事無補而謗讟先興非公私兩便之策率書佈臆不盡欲言

致壽春郭鎮軍

承示穎毫壽賑廠情形與從周諸君子集款收養又荷蓋勞安爲彈壓並於沿途南流饑民散錢安撫異地嗷鴻得棲樂土恤隣高誼慰佩良深豫中災鉅款絀想已久邀洞鑒不再贅陳旣幸東漕頭幫已到復蒙

天恩浩蕩撥帑截漕較之春初已覺略可藉手然自津運抵道口僅能撥濟河北三府及南岸之濱河州縣西南兩路腹地購糧於江皖兩省節節阻滯兼之經費支絀無大宗採買分撥不敷日來甘澍迭霑雖未一律深透早秋冀可布種惟籽種農具一掃而空雖經通飭勸借敝省富民無多恐亦難以普徧且距

文誠公集函牘卷二

二十二

天津華新印刷局代印

秋收爲期尙遠此數月中飲之食之正不知從何處設法是以尊處所收民口尙未敢遽請遣回仍望軫念豫艱代謀留養無任翹企刻已商之和帥極力設籌擬於歸德附近及槐店分設兩大廠冀續至者不再東趨以稍分如水赴壑之勢兼備欲歸者逐漸西來或亦彼此維持之一道耳

致吳子健中丞

歲前弟等奏撥之款部議僅直隸平糶餘米三萬石慨然應允其捐款積穀均歸外議尊處接奉部咨後計已邀紳妥商倘荷鼎言量爲撥借則以蘇省之穀救豫省之災弟等感佩仁施必分三年歸款倘此三年內蘇省或遇偏災無論豫事如何艱難

總當不悞屆期掃數清償竭力圖報決不如秦晉相負致執事有恤鄰之誼而弟等居背德之名區區愚忱伏希垂鑒江安漕糧暫雖議駁弟等第三次疏上則蒙未報此致不  
九重軫念危迫情形或有  
復命亦未可知且日內仍擬痛切力陳爲豫民請命也

致任曉香觀察

日昨朱遊擊來汴藉得詢及賢勞獨懋惠澤覃敷推己饑已溺之慈懷布救災恤鄰之善政凡我豫民多蒙幃覆默邀帝契廣種福田豈止傾心更深額手已於奏報中敍及臺端不分畛域及下懷等感佩之深矣現在此間賑糧短缺市價日昂

文誠公集

函牘卷二

二十三

天津華新印刷局代印

皆由商販稀少所致聞貴治潁鳳壽泗一帶屢歲豐收倉箱櫛比且處處皆與豫東水道相通便於舟楫擬廣爲招商源源販運以資接濟特此專函布達務祈執事勸諭各處商販及殷實囤積之戶令其運販來豫或由官局收買或自向民間出糶悉照市間價值斷不至有停頓勒抑之虞在商販既有利可圖在飢民亦有米可恃兩皆裨益少助艱難至沿途關卡早經奏免釐稅並寄去護照十張由執事填名轉發卽飭其迅速裝運起程百萬哀鴻均可飽德於無窮卽弟亦感泐於不朽矣再弟近與和帥商權將於正陽關奏請設局推廣豫省賑捐藉富庶之區稍期踴躍屆時再當函布並望照拂一切是尤感禱

致吳紫湄觀察

豫中連歲無收被旱極廣成災五十九州縣饑黎有五六百萬之多兼之早秋未種民食一無指望專恃賑粥賑糧藉延殘喘倉庫已罄來日方長弟以輟材適膺此任徒張赤手何以措持惟有商懇鄰封垂憐贊助而已聞貴省藩庫存儲另款實逾二百萬已函浼仲帥暫借三數十萬接濟賑需卽照奏定章程指定有著地丁正款於三年內分屆提還夙昔共事一方渥叨摯愛務望代乞仲帥俾允所商則豫中垂斃嗷鴻不啻執事全而活之矣

復吳子健制軍

文誠公集

函牘卷二

二十四

天津華新印刷局代印

中州迭荷

恩綸截漕撥帑

皇仁優渥至矣蔑加惟以帑金十萬運漕袖十八萬石不敷甚鉅本地捐借又皆杯水車薪暫濟本地賑需尙形支絀是以有截留東漕尾幫之請騰出腳價爲賑恤災黎地步區區籌畫之艱可以想見而領運直省代辦米石委員自津來稟謂該處南漕晉糧爭先僱運米積船空代辦米石一項轉運已難迅速此次所撥之漕袖正不知何日得以抵豫運事如此艱阻則又初計所不料耳抵徵二成錢文及賑餘之款蒙議准解交漢仙購糧歸款一層自是公牘中不可少之曲折關懷桑梓如執事尙

復有何疑議耶蘇滬捐款有大雅提倡之必能籌集多金源源接濟閩軒中丞已有

旨令其來豫聞於初十日自金陵起程約計履新當踰此月其捐借購糧在滬設局已咨會敵處矣豫民流入淮徐一帶者聞仍絡繹其奔赴皖鄂者更難數計刻議在裕州歸德及陳州之槐店三處設廠以截之庶續逃者不必皆赴遠鄉卽鄰省亦不患不能容耳南岸災區得雨多可耕者北岸尙未霑足且不能徧擬姑擇有田之丁本籍業經得雨者先行資遣免荒本業羅掘湊集急切尙未得成隣省流民更不敢咨令遣回籍博美名而增民困惟有仰懇執事與質帥飭屬暫籌安插而已鄧新土

文誠公集

函牘卷一

匪已就救平西遂另股亦經撲滅目前暫無大股萬一賑恤不徧雨澤不能應時續霈以後殊難懸料承示以運代賑弟前月已通飭各屬舉辦矣興修水利尤爲謀豫第一要旨豫省迭被奇荒有井沿渠之田尙有一二分收穫水利之宜講卽此可見但現在款項艱窘儘數勻撥每州縣所得無幾開辦水利一處非鉅款不克集事止可俟賑款稍裕籌措爲之老伯母大人垂念豫民捐銀拯救筱園同年又助百金闔省饑黎旣荷蓋籌援濟又荷高堂盛德生全載道歡聲洋溢大河南北矣昨漢仙來函欲向尊處商借運庫存款挑河工費倘蒙俯允卽以所收賑捐分期歸款其請奏留海運未完米石以抵所撥南漕之處有

無窒礙仍希執事酌之

復張漢仙觀察

接奉十五日來函備悉壹是懷遠至亳州一帶兄已派蔣仿臣諸人妥籌疏通接運矣雜糧日少兼購米石亦可惟水運至懷遠以上駭涉過船須用袋裝方免散耗兼可便捷敝處接續陸運亦無須購袋另裝江南購備口袋較易粟米用布大米用麻斟酌行之其如何嚴防偷漏攙水加印封口但須於船戶交卸委員接收之時責令過秤驗封遇有斤兩不訛而攙水弊混者不論船戶家丁或委員通同一氣均令賠補後再行嚴辦一切章程卽由執事議定發給賑餘抵征兩款建帥咨文已到翎照

文誠公集

函牘卷二

二十六

天津華新印刷局代印

已專馬齋呈計此時當可察入運河處處阻淺窩灣糧艘趕緊倒挽入洪爲妥商挪鹽款健帥允行後再行備牘立案歸款一層卽照尊議辦理奏留海運未完米石能如願固佳聞江南向來海運用輪船者隨裝隨開用商船均係年前僱定排定號數在滬等候裝兌目下當已放洋守風追挽無及蘇省代辦豫捐有商船水腳一項每石提錢十五文船戶獲利本微全恃帶貨二成免稅以盈補絀故於船捐尙能勉力豫省既捐其腳又欲截留尾幫未識於商情運事兩者有無窒礙且直督來咨南漕將次到齊文移知照往返必需時日一切情形兄亦不能深悉望與健帥酌之承示徐熊兩君之事兄自抵此後本省官吏有

辦賑不力者與當道知無不言其應委用何人則仍聽當道主政蓋欲糾人弊界限不得不清也賑務人材以不求名不求利實心行善之人爲主求沾餘潤者固不可用冀得保獎者亦應斟酌救荒與戡亂不同無赫赫之功部議必多沮格此時許之而將來被駁在兄爲失信而其人缺望無窮矣卓見以爲何如  
致直東江鄂皖各督撫

保恆等以迂拙之才受撫綏之任適當大河南北數十州縣連歲荒歉之後災深地廣民衆財殫奉

命以來夙夜兢兢亟思仰副

九重德意而智慮短淺日觀災黎之流離填委爲炊無米乏術

文誠公集

函牘卷二

二十七

天津華新印刷局代印

點金拯救急難徧及不能不聽其遠適樂郊暫圖存活哀此嗷鴻既無計以挽留尙待時而還定固由從前當局者未能先事豫籌而保恆等之規畫無方補救無策於此可見相對躊躇疚心無已譬如人家子弟遭遇困窮爲父兄者弗克瞻養任其寄食鄉鄰其爲感激慚惶何可言喻惟有祈禱盼望代呼將伯已耳計自去歲秋冬以來豫省饑民流入轄境不可數計雖客冬曾奉

恩旨晉豫等省災民轉徙求食流入各境者由疆臣飭令地方官設法安集執事當已督飭撫綏不令失所顧念保恆等不能勝任愉快致令顛連之衆累及鄰封重勞擘畫其爲慚惶感激

盼望祈禱烏能自己用敢布其腹心竭誠叩懇伏乞格外分勞  
飭屬隨時隨地加意撫恤一俟甘霖普被妥爲資遣還鄉無論  
官紳事定之日當竭力圖報救災恤鄰之雅誼不勝欽企願望  
之至

復張漢仙觀察

接奉二月初五日手書備聆一是江安漕糧業經農部議駁續  
疏固請亦未荷

恩俞曾在前函中敍及所採平糶雜糧計日諒經開運龐省翁  
帶交四千金及尙未解到之商船捐六千金與和帥商定均歸  
尊處購糧之用備贖郵陳並移咨蘇省當已達到此後購辦再

文誠公集

函牘卷二

二十八

天津華新印刷局代印

有不敷儘可在豫捐款內提用倘淮北雜糧短缺不妨改買糙  
米便宜行之可也健帥關懷桑梓籌助不遺餘力情誼極可綢  
佩現在江漕已成畫餅抵徵錢文仍交部議懸揣總難邀准積  
穀又須聽命蘇紳豫中指望皆空赤手支持其何以濟所云另  
籌十數萬金之說想健帥早有成竹聞之令人抃躍臺灣捐款  
已囑合肥相國代懇何筱帥丁兩生中丞矣當不至報以空函  
江西一款本兄意所注罄心渺慮苦無良法是以遲遲未辦辰  
下賑款四盡三空實屬無可如何囑懇合肥相國加函一層容  
與和帥商之兄肩此危局勞怨不敢避意氣則萬不敢存承勛  
以爲民自屈藥石至言足令猛省非摯交親逾昆季不能道此



謹當書紳以副厚望

復崔季芬總鎮

奉到本月十九二十二日兩次惠書詳陳戰狀具徵指揮如志  
韜略夙嫻莫名佩慰被躡村莊應卽督同張令妥加安撫出力  
員弁當轉致和帥彙案保獎惟剿匪以擒渠爲扼要關鍵戮千  
百夥匪不如得一巨魁亂萌可以立遏現在賑款不敷災黎日  
衆有倡之者則從亂謀生之徒必復不少仍望將胡豹子一犯  
是否陣斃確切查明示復以釋懸系正在肅箋奉答又接二十  
三日執事與敬亭總戎公函擬派隊在四科樹與留防李青店  
之南鎮弁兵互相犄角泌舞一帶亦有李吳兩都司聯絡彈壓

文誠公集

函牘卷二

二十九

天津華新印刷局代印

蓋籌周密卽囑該弁等萬勿疎懈爲要裕境珍珠溝匪衆希卽  
會飭練軍上緊剿捕尤所盼望

九重亦系念不置也魯召嵩三屬饑困情狀耳不忍聞口不忍  
言鄙人兩月籌措補救毫無負愧滋深幸近奉  
特恩加撥銀米河朔三郡較易著手耳

復程從周

承示在穎亭壽等處分設賑廠並仿得一錄所載在城內寺觀  
四鄉要路各開粥店於安輯流亡之中見指揮區處之妙大才  
磅礴固應遠過時賢汝新一帶仿照尊處章程推廣之誠甚善  
舉第派員經理不過敷衍差使而已容再妥籌之但恐豫境民

力多自顧不遑耳沙澗釐卡稽留商販糧艘當遵囑轉致壽山中丞嚴禁執事助賑雜糧六百石本擬於水次設廠就近運業於前函中敍明現在入款零星分撥各處已形竭蹶勢難另開大廠驟增一切費用且日內得需透雨城關流民尙應資遣歸耕是以此議祇可暫輟已飭賑撫局派員赴尊處將所捐糧石運回卽以魁齋捐款二百金作爲運費其不敷腳價由賑撫局籌給至此間糧價目前尙不甚昂正以財力未豐尙難寬爲採辦張漢仙觀察在淮徐之間購糧由河湖分運西來亦以款絀苦不能多姑遣人在曲興集及歸德等屬就近購買以資接濟揆諸救民初願能勿憚然叨承注念謹以附及

文誠公集 函牘卷二

三十

天津華新印刷局代印

復裕澤生方伯

弟奉使榆鄉徒慚栗碌計到汴以來瞬將五十日災民數百萬待哺嗷嗷前款已定續籌不易目擊死亡流離之苦雖竭力搜羅分加撥濟而牽蘿補屋終成杯水車薪卽使春雨應時而酌量情形斷非四五月所能蒧事若不急籌鉅款蓋難延至秋間寢食難安心力交瘁昨與和帥疊次合疏再四統籌入

告籲懇

恩施先將摺稿抄呈青鑒又青餘方伯通籌出入詳請具奏文稿一件全豫支絀情形盡在其中指日入都展覲凡可以爲力之處想執事公忠在抱必能盡力扶持且卽將

綜理藩條一切出納想已早爲計及宏濟艱難是所望於嘉謀  
碩畫卽弟亦銘泐無既矣

致張聽葦觀察

豫中災鉅款絀數月籌措補救毫無現雖南岸災區有得雨深  
透之處而昨又狂風半日落沙積壓盈寸已播種者萌達爲難  
未播種者尙須續霈甘霖各廠饑民方能資遣歸耕其嗷鴻之  
南流江皖鄂者今尙絡繹不絕現擬設廠三處以截留之槐店  
一廠因糧運未到尙未開辦聞尊處所購皖糧已儲備一萬七  
千石一時需車甚多必係分批起運擬懇執事飭令採運員借  
撥一千五百石暫應槐店開廠之用敝處所購光固一帶米石

文誠公集函牘卷二

三十一

天津華新印刷局代印

約半月兼旬必可運到卽由弟飭知就近撥還於尊處陸運未  
起之期決然不誤而敝處賑廠得早開一日卽流民得早活一  
日皖境代謀留養亦可藉此稍分其勢免致重累鄰邦千祈允  
行以通緩急弟已飛函商之湘船太守恐正陽相距較遠諸多  
遲滯耳如蒙許可卽祈飛飭槐店接運委員無論第幾批以現  
行至槐店河下者爲斷就近交槐店賑廠厲銘軒太守孫煥堂  
主政兌收應用爲禱

復薛世香廉訪

豫歲連災饑黎日衆弟材疎慮短籌策徒勞迺承獎飾逾恆益  
覺悚慚交集江安漕暨陽壇抵徵錢文均經農部議駁所請粵

款雖奉

恩兪業經峴帥分解秦晉豫中僅得五萬金淮南商捐倘荷幼帥飭令竭力輸助無論多寡於民食總有裨補承示江西兩省存通餘米已函詢合肥相國據復糧道等賴此抵補虧短恐難全撥實存若干亦未悉確數是以尙未入

告弟思商借各省款項本經奏明有案若請一款必拜一疏部議固虞沮格卽荷

天心垂鑒一交外省體察辦理輾轉需時仍屬緩不濟急不如抱定奏案與各直省商允後先備公牘再行附片聲明較爲便捷此項餘米仍望執事將實存數目詳加考訂俟奉復音卽由

弟與和帥公函商諸江浙兩中丞臺裁以爲何如又示除賑濟外當因地制宜以補公項之不足具徵卓識弟明知經費有常非向本省紳商息借難資挹注乃自稅駕至今委曲勸導迄無一應擁虛名而求實濟事事棘手固在意計之中特不料至於斯極耳陝州饑困異常亦遵囑飭加撫恤謹以告慰厪懷

復梅曉崖中丞

承示浙省各項存款挪動爲難已向鶴年轉述備聆一是焦灼同深豫中自冬徂春饑民麇集賑廠隨時添設賑款逐日加增無米爲炊點金乏術艱窘情狀筆墨難宣惟有仰跂臺端共呼將伯尊處塘工銀兩息存杭嘉湖各典者聞該商因生理減色

欲將存本繳還擬懇執事提回二十萬兩借備豫中春賑應得  
息金由豫認繳本係商情所願移彼就此似尙可行務望俯念  
豫艱曲從所請俾垂亡溝瘠得有轉機則弟等感泐鴻施於靡  
既矣至將來分年歸款統由地丁一項卽或不敷勻撥或請展  
賑捐年限或另圖良法以開利源總期於本省有可騰挪於鄰  
封萬無爽約知關厘念謹以附陳

致胡雪崖觀察

臘杪公布一緘專懇執事向上海華商息借百萬金屈指得塵  
籤閣自必仰荷蓋懷曲爲籌畫惟豫賑需款既迫且多緩固無  
濟目前少亦不敷所用因思直隸有練餉百萬經執事及盛杏

文誠公集函牘卷一

三十三

天津華新印刷局代印

生觀察發典生息除陸續提撥外尙存六十萬緡尙滬上華商  
借不足數擬懇執事卽在此款內挪湊若干與商款一例予息  
保恆道出保陽曾以商之合肥相國彼時未知能否提用未經  
定議現聞江浙典商資本充裕提用一半尙不十分艱難存彼  
存此同一生息倘荷鼎力量爲挪移俟奉環雲卽由弟等函告  
合肥相國志在救民但使各典力能提取亦所樂從務望執事  
爲豫中全省生靈起見竭力圖維俾資要用幸甚幸甚

致陳母舅

甥到汴以來瞬將一月各省籌借之款多因道途遠阻未能濟  
此急需而饑民萬口嗷嗷不容一日間斷不得已先於本省各

同鄉殷實之家先行挪借將來收成之後由藩庫地丁正款加  
息清還現在給予印票並可抵解錢糧茲已會同李中丞委員  
攜函前往諭借甥思舅父爲一郡領袖特肅專函敬求大力鼎  
言代爲轉致務須解囊濟急且此番辦法卽如民間交易加息  
清還有甥主持其中不比外省官長可以不必疑慮且係奏准  
立案後來撫藩亦必遵照也尙求費心諄勸爲叩再聞商邱粥  
廠每日官放早粥之後紳士卽就廠竈捐辦晚粥省門傳說皆  
稱饑民極沾實惠並請將一切捐辦料理章程首事諸公何人  
一并開寫清單寄示甥擬做照此法推行各州縣辦理倘使利  
溥無窮皆拜仁人之賜矣

文誠公集

函牘卷二

三十四

天津華新印刷局代印

又

承示災賑章程極爲詳盡益信關懷民瘼者隨時隨地具有拯  
濟之方曷勝欽佩惟一律散粥可以活流亡爲饑困莊農代維  
久遠不如酌量放米於策爲長蓋攜回煑食和以秕糖等物充  
腹固覺稍多且每日無蒙犯風霜凍餒馳驅之苦垂亡溝瘠或  
者可冀生全質之仁人君子以爲何如

復宋祝三軍門

疊奉本月十六十九日惠函藉諭前旄所指小醜救平快何如  
之承示魯南等境暨靈廬交界剿匪情形並執事回辦洛防匝  
月馳驅盡勞可想豫中彼此奇災饑匪隨滅隨起加以山中伏

莽時時有竊發之機鄙人職司籌賑而隱憂乃在亂萌就事勢而言亟宜添練勁軍以資兼顧無如賑需久匱籌銀籌米指望半屬空談又安有餘力成我輩增兵之議夙承摯交垂契當鑒其籌措之苦而許其懷抱之同季芬長於緝捕臨敵摧堅歷數中州將材允推執事卽季芬等書來亦亟稱非貴軍血戰破賊兜燄渠等亦不克乘機搜捕也此後倘有蠢動之處仍望隨時剿撫是所至禱領用闕鄉局糧自宜以彼時購價爲準少則補給臺裁酌量可也宋總戎槍傷諒經痊愈念念張太史赴陝承派弁護行尤感當其西行時尙未得執事赴南路之信是以瑣屑奉瀆知蒙鑒諒白世兄昨乞討到汴經張敬齋稱尊命留之

文誠公集

函牘卷十一

三十五

天津華新印刷局代印

